

**2020 nallertinnagu ullukinnerup ulloq 21. decembarip pisortatigoortumik nalliussineqartalernissaanik atulersitsinissaq pillugu Inatsisartuni aalajangiiffigisassatut siunnersuut**

(Inatsisartunut ilaasortaq Peter Olsen, Inuit Ataqtigiit)

**Akissuteqaat**

(Ilinniartitaanermut, Kultureqarnermut Ilageeqarnermullu Nunanullu Allanut Naalakkersuisoq)

**Aappassaaneerneqarnera**

Naalakkersuisut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq isumaliutissiisummut tunniunneqartumut qutsavigaat.

Naalakkersuisut maluginiarpaat Ataatsimiititaliami ilaasortat isumaqatigiillutik taperseraat "Ullukinneq" immikkut ittumik ullutut siunertaatut nalunaarutigineqarnissaa taamaasilluni pisortatigoortumik nalliussineqartassasoq.

Taassuma saniatigut Naalakkersuisut maluginiarpaat, Ataatsimiititaliap ullukinneriornermut immikkut aningaasaliissutissanik immikkoortitsinissaq kissaatiginngikkaat, kisiannili Ataatsimiititaliap tapersersoraa ulloq pisortatigoortumik immikkut ittumik ullutut nalunaarutigineqartalernissaa.

Naalakkersuisut taamatut oqaaseqarluta Ataatsimiititaliap isumaliutissiisutaa aalajangernissamut siunnersuummullu innersuussutaa tusaatissatut tiguagut.